

Válbor ja Bassi Lucia

Lei juovlamánu 13. beaivi ja sevdnjes idit. Válbor lei lihkkán juo árrat ja son manai rávkat eatni. Son háliidii dalán vuolgít dikšui. Otne lei oainnat earenoamáš beaivi. Beaivedikšománát ledje juo máŋga vahku hárvhallan muhtin lávllačájálmasa ja otne lei áigi čájáhallat dan earáide.

Go Válbor bođii dikšui, de son dalán jearai, oažžugo juo gárvodišgoahtit. Dikšosiessá dajai goittotge, ahte ferte vuordit dassá go buot mánát leat boahtán dikšui. Válbor ii livččii máššan vuordit. Son goittotge manai lohkat muhtin girjji vai áigi golašii johtilabbot. Áiddo go son lei geargan lohkamis, de dikšosiessá bođii dadjat, ahte lea áigi gárvodišgoahtit. Válbor njuikestii, doalvulii girjji ildui ja manai eará mánáiguin duhkoraddanlatnjii.

Duhkoraddanlanjas oassi gánddain oaččui rukses biktasiid ja dontogahpiriid, loahpat fas vilges biktasiid ja vilges gahpira. Nieiddat gárvodedje vilges biktasiidda ja čanastedje birra rukses boahkána. Buohkat ožžo maiddá gintala gihtii. Válborge oaččui badjelii vilges biktasii ja rukses boahkána. Dasa lassín son oaččui oaivái ginttalkruvnu. Son lei čájálmasa váldopersovvna nappo Bassi Lucia, guhte oaččui vázzit earáid ovddabealde čájeheamen čuovgga.

Dikšobáikái ledje boahtán guossit skuvllas ja sii čohkkádedje orrunlanjas vuordimin čájálmasa. Dikšosiessá gohčui mánáid bárralágaid ráidun. Válbor lei okto ráiddu ovddas ginttalkruvnu oaivvis ja ginttal gieđas. Su maŋábealde ledje bárralágaid ráiddus vuos nieiddat vilges biktasiiguin ja maŋimužžan ledje gánddat. Dikšosiessá rabastii orrunvistti uvssa ja jáddadii čuovggaid. Joavku váccii orrunlatnjii gintalat gieđas ja sii lávlo Válbor njunnošis:

“Guhkkin Sisilias dolin lei nieida
dan nieidda namma lei Santa Lucia...”

máinnas: Heli Aikio

davvisámegillii jorgalan: Maiju Saijets